

Heinrich Christian Tielcke Friedrich Pampius

**Obligationem Conscientiae Ex Delictis : Matth. Wesenbecius in Commentar. ff. ad lib. I. Tit. I. de I. & I. Bona Conscientia, quae est dulcis nutricula Senectutis, in omni vita conservetur!**

Rostochii: Richelius, 1688

<http://purl.uni-rostock.de/rosdok/ppn732448654>

Druck Freier  Zugang



Ru phil 1688



הקבר עורתה לי

**OBLIGATIONEM  
CONSCIENTIÆ EX  
DELICTIS,**

Consensu Amplissimi Philosophantium

Ordinis,

Sub præsidio

**M. HENRICI CHRISTI-  
ANI Giescken/**

Rostoch.

examinandam proponit

Ad diem Martii

IN AUDITORIO MAXIMO

**FRIDERICUS PAMPIUS,**

Soldinensis Neo-Marchicus.

---

Matth. Wesenbecius in Commentar. ff. ad  
lib. i. Tit. i. de I. & I. Bona Conscien-  
tia, quæ est dulcis nutricula Senectutis,  
in omni vita conservetur!

---

ROSTOCHII,

Imprimebat JACOBUS RICHELIIUS, Ampl. Senat. Typogr.

ANNO M DC LXXXIIX.

1688

OBBLIGATIONEM

CONSCIENTIÆ EX

DEICTIS

Consensu Vniuersitatis Philosopharum

Ordinis  
Sub prædico

M. HENRICI CHRISTI

ANNI

Rostoch.

Christianus

Adrianus

In Auditorio Maximo

FRIDERICUS PAMPUS

Sollicitus

March. Welenbeckius in Commentariis

lib. I. Tit. I. de l. & l. Bonæ Conscien-


tiæ, præfectus in iudicio Senatus

in omnibus controversiis

ROSTOCK

Impressor JACOBUS RICHARDUS Anno 1664 Typogr.

ANNO MDC LXXIIII



## Prodromus generalis.

**N**on impressum saltem est mentibus nostris  $\rho\gamma\omega\sigma\iota\tau\iota\delta\epsilon\sigma$ , fatente Paulo v. 19. c. 1. Rom. Sed insuper mortales nos pollemus rite vivendi, malaque moralia evitandi notitia minime dubia, vi reliquiarum imaginis divinae. Hinc cor nostrum est instar aurei Jasonis vellere, (fuit forsitan liber  $\omega\epsilon\iota\tau\iota\delta\epsilon\sigma\omicron\mu\iota\lambda\iota\alpha\varsigma$ ) de quo obviant Eruditorum judicia varia ac diversa. Alias Varro, Teste Augustino lib. 6. de Civitat. Dei c. 5. tria constituebat Theologiae genera, (1.) Mythicum, (2.) Physicum, (3.) Civile, quod ultimum in urbibus cives maximè, inquit, & Sacerdotes nosse atque administrare debent: Innuebat potissimum, connata rectè vivendi principia magis magisque in urbibus in lucem protracta. Ejusmodi connata principia vel flocci habentes, vel audaces illic adversa operantes, dubio procul, modò altiùs facta volvant ac revolvant, obligant Conscientiam delictis, & ex illis. Hæc obligatio Conscientia ex delictis Thema nobis erit discursus Academici succinctè coordinandi. Coeptis annuat per nullas leges Civiles ligatus, qui interim sibi ipse lex est, Summus!

## ΠΑΡΑΣΚΕΥΗ.

§. 1.



Obligatio est juris vinculum, quo necessitate adstringimur alicujus rei solvendæ, pr. instit. de oblig. Hunc ferè in sensum Paulus Jctus: Obligationis Substantia ( $\lambda\omicron\gamma\omicron\tau\iota\delta\epsilon\sigma$  &  $\iota\sigma\iota\alpha\varsigma$ , ratio essentia,) non in eo consistit, ut corpus nostrum aut servitutem nostram faciat, sed ut alium nobis obstringat ad dandum aliquid, vel faciendum, vel præstandum, l. 3. ff. de oblig. jus ergo cujusvis obligationis est principium causale remotum, proximum hominis factum. Jus, inquam, idque potissimum naturale, ex quo ceu scaturigine deinde & Civilis oritur

Δ Δ

oritur obligatio, l. 5. de I. & I. Innuimus verò jus non naturale primævum, quod instinctum naturalem, ex sensitiva facultate promanentem insinuat. Hinc Ulpianus de jure hoc, *παχυλῶς* tali: *Jus naturale est quod natura omnia animalia docuit*, l. 1. §. 3. de I. & I. Fufius de his differit Cic. in Orat. pro Mil. item lib. Offic. 1. & c. Pressius jus naturale attendimus, quod Secundarium, vel Gentium aliàs dicitur: *Estquè recte rationis dictamen, actum humanum ad rectitudinem moralem exigens*, vid. B. Neudecker in *Analyt. Dissert. ad insit. ad pr. tit. 2. Disp. 1. Hoc jus ex necessitate ligat*. Illud tò ligare jussione frequentissimè absolvitur, tumquè jus causabitur causalitate morali, cui neutiquam influxus in causatum veritatem denegamus. Ad hoc validum sanè vinculum, per quod vel interiora contremiscunt, jure quadrabit vocibus aliàs tributum:

*Verba ligant homines, taurorum Cornua funes;  
Cornu bos capitur, voce ligatur homo.*

*Necessitas*, quæ ligat jus, dependens quidem, at insimul, sensu sano, absoluta erit. En! causa efficiens (jus rationis actum normans) ex qua maximè hanc dijudicamus necessitatem, ligando naturaliter agit. Hinc cessat hypothesis, quæ in efficiente fundata poscit, ut contendunt, non-naturaliter agentem. Hæc ratione demum juris *necessitas*, quæ obligat, *absoluta* dicetur. Sed forsitan omni explosa *necessitate*, mera hic obviat *contingentia*, *afficere enim videtur hæc necessitas liberè agentes, vulgari verò hypothesei libertas voluntatis Contingentiæ (internæ) æquipollere ducitur*. Liqvet hoc vel ex Solo *Scharfio*, qui in *Disput. Metaphys. Disp. XI. de necessario th. 71. communia premedo vestigia, Contingentia*, inquit, *intrinsicè est ipsa libertas voluntatis, quæ est agere et non agere potest. Et sic, pergit, etiam in Deo datur contingentia, quia scilicet est agens liberum et voluntarium*. Resp. (a) philosophamur crasse, confundendo contingentiam, quæ rerum est adjunctum, cum libertate, voluntatem afficiente, ut accuratè observavit Excell. Dn. Pascha in Colleg. Ontol. cap. 4. Sect. 1. Dogm. præcept. 4. §. 1. (b) parum dextrè argumentamur à toto obligato homine ad obligans jus. *Necessitas*, de qua fermo, *πρώτως* activè, Synonymicè ferè ligans jus, *δευτέρως*, passivè, paronymicè obligatum hyphistamenon respicit. (c) Quamcunquè contingentiam, maximè illam, quæ est ratione causæ primæ, dependentibus assignamus cunctis; quis vero exinde colliget omnigenum Contingentiæ gradum? Effectus sanè non per emanationem saltem, sed alias etiam in caducis his naturalem schesin (removemus enim supernaturalia cum præternaturalibus) ad causam maximè efficientem, supponentes pro absolutè necessariis haut raro venditamus. Di-  
cta

*Ad juri nostro necessario liganti applicentur. Res frequenter factis contra-*  
*distinguitur per §. final. instit. de Verb. Oblig.* Transeat acceptio Philosophi-  
 ca; at in proposita descriptione, *res & ipsa facta*, ut supra docuit *Paulus* ci-  
 tatus, quin & *passiones ac poenas* complectitur, estque *rem solvere* idem, quod  
 prestare, *conf. hic Dn. Rban in Dissert. de Oblig. th. 6. 7.* potior obligationis di-  
 visio ducitur, quia alia est naturalis, alia civilis, quibus demum mixtam addere  
 amant: Illa naturam, ista legem habet ducem; hæc ex utriusque concursu exur-  
 git. Per Participationem utriusque; medii ultimam hanc intermediam dicerem.  
*Definitio obligationis*, (verba sunt Professoris quondam in hac Alma celebra-  
 tissimi, jam εν ευλογία versantis) *non de alterutâ, sed de mixtâ, hoc est, de na-*  
*turali & Civili simul intelligenda est.* Communis ferè & Modernorum mens eò  
 redit. Largior de descriptione data, vel his sejunctis verbis: *Secundum nostræ ci-*  
*vitatis jura*, modò tum *jus* in abstractione præcisiva à naturali & civili suppo-  
 namus. Monemus & hoc nostræ considerationis esse *obligationem naturalem*.

§. 2. *Conscientia* aliis dicitur Cordis scientia, forsân ansâ effati Pauli-  
 ni vers. 15. c. 2. Rom. εἶδη ἐνδείκνυσθαι τὸ ἔργον τῶ νόμου γραπτῶν ἐν ταῖς  
 καρδίαις αὐτῶν, συμμαρτυρήσας αὐτῶν τὴ συνειδήσεως, καὶ μεταξὺ ἀλλήλων  
 τῶ λογισμῶν κατηγορούντων, ἢ καὶ ἀπολογουμένων: aliis Concludens scientia:  
 Syllogismus practicus, &c. Quæ cuncta, hisque haut absimilia, *Conscientiam*  
*παχυλῶς* dicunt. Pressius: *Conscientia* est fundamentaliter Scientia laxè su-  
 mendo *Ἐπιστήμην*, ut *νῦν* ac *σοφίαν* complectatur simul. Ex ratione ergo  
 scientiæ menti nostræ ritè assignatur. Alias mens integram animam rationa-  
 lem, maximè si priscos Ethnicos Spectes, exprimit. De hujus (animæ) natu-  
 rà Eruditi olim acerrimè disputabant. Sic *difertissimus Muretus in Orat. de*  
*dignitate & præstant. Studii Theol. Alius animum (animam) humanum (hu-*  
*manam) cor ipsum esse dicit, alius cerebrum, alius cordi suffusum sanguinem, a-*  
*lius Spiritum innatantem Sanguini, alius harmoniam quandam; alius eum*  
*(eam) ex numeris conficit, alius ex atomis; ut mihi quidem ista consideranti cer-*  
*tamen aliquod insaniam suscepisse videantur.* Huc collimantia reliquit B. no-  
 ster Müllerer in seinen geistl. Erquickst. Cent. 1. p. 99. Hanc animam pu-  
 rum figmentum esse, nec nobis nec aliis competere Supponit homuncio ille,  
 quem blaterantem inducit Cicero, 1. Tusc. quæst. *nihil omninò esse animam &*  
*hoc esse nomen inane, frustra quoque animalia & animantes appellari: neque in homi-*  
*ne, neque in bestia esse animam; en bestiam!* Frequenter mens, hodiè potissi-  
 mum, potioem animæ partem, appetitui rationali contradistinctam, (licet  
 non rarò *Specialem habitum, intelligentiam scilicet denotet*) infert. Intel-

lectus hic in quavis Substantia, in essendo æquè ac existendo immateriali, qualis est anima nostra, dabitur necessariò. Rite Thomas p. 1. quæst. 14. a. 1. *Immaterialitas alicujus rei est ratio, quod sit cognoscitiva, & juxta gradum immaterialitatis est gradus cognitionis.* Sed hæc forsân per se liquent, adeoquè ceu certa suppono. Ad intellectum verò non merum theoreticum, sed dein & practicum refertur *Conscientia* nostra. Rem si spectes, unus est intellectus, qui tamen pro Objecti finisquè diversitate in theoreticum & practicum dispe- sci poterit; ille Solius veritatis gratia principia theoretica contemplatur; hic propter operationem practica cognoscit, hinc & ipse practicus salutatur. Spectat & *Conscientia* ad voluntatem, quatenus obtestatur, detestatur, exhila- rat. Demum nec ab ipsa memoria aliena est *Conscientia*, quoad illa, quæ de factis dicitur, reminiscenciam necessariò supponit. Brevibus: *Conscientia* (in actu secundo) est *agitatio mentis & memoria, consistens in indubitata notitia, recordatione, serio examine & judicio cogitatorum, dictorum, factorum, indu- sens vel gaudium, vel dolorem.* Hoc attendenti ex Suppositis patebit, nec in bruta, nec in Deum cadere *Conscientiam*, quod non gratis, sed adversus quos- dam Sinistrè philosophantes, monemus.

§. 3. *Delictum* generatim dicerem præscriptæ legis observandæ trans- gressionem. Ebraicum  $\text{חַטָּאת}$  non idem exprimit, quod latinum, deli- ctum, sed subest distinctio. Eni delictum transgressionem in se,  $\text{חַטָּאת}$  quatenus proximum offendit sistit. Alias græca  $\text{μαρτυρία}$ ,  $\text{μαρτυρία}$ , & c. idem dicunt quod latinum delictum. Dividi solet delictum in *verum*, & *quasi delictum*, quæ distinctio vocis est, non divisio rei, si politicum forum, & interpretes juridicos attendas. Quatenus tamen *quasi delictum* describitur per illud, quod non scienter & consultò, sed per imperitiam seu alium ca- sum, committitur, hòc simul supposito, commissum illud nefas esse, verissi- mum est delictum in Theologicis, etsi non juridicis, ligatquè in foro, si non Soli, poli tamen, cum & involuntariæ transgressionem in censum nefariorum veniant, quod rite Orthodoxi ex 7. Rom. aliisquè Codicis partibus, notare so- lent. Eadem hæc suo Seculo *Augustinus* præ aliis egregie *Comiti Juliano* monstrabat. Tum & hoc notandum incidenter, de vocula *quasi*; Licet hæc latina notio similitudinem urgeat, græcum tamen  $\omega\varsigma$  vel  $\omega\sigma\epsilon\iota$  in profanis ac N. T. non semper notat similitudinem meram, Sed aliquando omnigenam rei convenientiam & ipsam veritatem, vid. *B. Glassius in Philol. Sacra lib. 3 tract. 5. Canon. 28.* Hinc & illa Luc. 22. vers. 44.  $\epsilon\gamma\acute{\iota}\nu\epsilon\tau\omicron\ \delta\epsilon\ \acute{\omicron}\ \iota\delta\omicron\ \rho\acute{\alpha}\iota\varsigma\ \alpha\upsilon\tau\acute{\omicron}\ \epsilon\iota\sigma\epsilon\iota\ \tau\omicron\ \rho\acute{\omicron}\mu\beta\alpha\iota\acute{\alpha}\mu\alpha\tau\ \&\ \kappa\alpha\tau\alpha\beta\alpha\iota\omicron\upsilon\upsilon\tau\epsilon\ \tau\omicron\ \tau\eta\ \gamma\eta\upsilon$ , non evertunt, Christum vere Sudasse sanguinem; ac si  $\omega\sigma\epsilon\iota\ \tau\omicron\ \rho\acute{\omicron}\mu\beta\alpha\iota\acute{\alpha}\mu\alpha\tau\ \&$  non sanguinem, sed san-

sanguini aliquid haut absimile dicant, ut *Hugo Grotius* suo more hic splendide nugatur. Etsi verò præter Patrum quosdam *Theophylactus* verbalem attributionem hic agnovisse modernis dicatur, (quæ & mens erat *B. nostri Mülleri*, ut ex ejusdem *Jesu patiente* observavi) Si ipsum tamen conferamus *Theophylactum*, advertimus quidem ab eodem Suppositam paroimiam, sed haut meram verbalem, realem potius rei vehementiæ exprimendæ inservientem. Audiamus ipsum de sudante Jesu gravissimè differentem enarratione in cap. 22. *Luc.* ἄχι λεπταῖς νοῖσι, καὶ οἷον ἐνδείξεως χάριν ἐμφαινομένοιαι, ἀλλὰ ἀσαγύσι ἀδρόχεις ἰδρῶτα πλεσύνετο. Ex quibus explicitè patet, adstruxisse *Theophylactum* verum patientis Jesu Sudorem Sanguineum. Ipse enim prædicta dein determinat per τῆς τῶν ἀιμάτων θεόμβρε, vid. cit enarr. Hoc ut merum veneramur miraculum, licet otiosè quidam philosophantes reclament. Cessat sanè ratio, nec audienda hic sunt argumenta ex *Aristotele*, damnatò illò *Ethnicò*.

## KATAΣΚΕΥΗ.

§. 1.

**S**chismate, utut metamorphosis in melius prætendatur, obligatur tranquillitatem rumpentis *Conscientia*. Dicitur *Schisma* ὁπὸ τοῦ χίσσεν, dividere, unde profanis rimam vel Scissuram cujusvis rei notare solet. Quo sensu notio hæc sit biblica patet ex cap. II. I. Cor. v. 18. 19. cum Paulus futilem disceptationem, ipsam hæresin inducentem, *Schisma* appellat. Ita ibidem: ἀκῆα χίσματα ἐν ὑμῖν ὑπάρχειν, καὶ μέγα ἐστὶν πῆγμα. Δεῖ γὰρ καὶ αἰρέσεις ἐν ὑμῖν εἶναι, ἵνα οἱ δοκιμοὶ φανεροὶ γίνωνται ἐν ὑμῖν. Sensu Ecclesiastico *Schisma* hodie est contentiosa dissensio ab Ecclesia, in rebus fundamentum fidei & salutis non attingentibus. *Schisma* hoc quomodo, accurate loquendo, contradistingvatur hæresi, ex definitione hujus constabit fufius. Licet, fatente *Augustino*, difficile sit definire hæresin, dicitur tamen hodie Accuratis, error hominis professione Christiani, verbo Dei contrarius, fidei & salutis fundamentum penitus evertens, vid. *Excellentissimus Michaël Waltherus* in dict. *Theol. ad Theol. posit. Koningij*. Etsi ergo *Schisma* ab hæresi differat, frequenter tamen ex inveterato *Schismate* exitiosa prodiit hæresis, ut tot probarunt lusus tragici. Est autem impræsentiarum *Schisma* nobis contentiosa dissensio (sive in politicis sive Ecclesiasticis) à Sciolo quodam per judicii abusum mota, novationis studio. *Schisma* talismodi exitiosum esse, vel me tacente, loquuntur tot exempla, *Marj, Merelli, Sylla, Julij, Pompeji, conf. Histor. Rom. ut alia non tangam*. Tum maximè obligat conscientiam, rupturam,

ram, inimicâ naturâ, invehere. Notanter Cicero l. i. de offic. paci, quæ nihil infidiarum habet, semper consulendum. Item: Nihil est tam populare, quam pax, quæ non modò ii, quibus sensum natura dedit, sed & tecta & agri mihi letari videntur. Ejusmodi naturalia novationis studio infringere, naturaliter ligat Conscientiam. Licet intendatur præsentis mali emendatio, Schisma tamen & privatam rupturam! ceu medium inconueniens rejicimus. Sanè & hic illud militat; non sunt facienda mala, ut exinde eveniant bona. Si olim vi tor. tit. c. quæd. lic. unic. fin. judic. se vindic. l. 3. ff. de I. & I. l. i. c. unde vi, turbatorem pacis ac jurisdictionis propria auctoritate illicò expellere concessum erat, idem sanè procederet de Schismaticò quòdam, cujus temerario ausu, publicæ leges, ipsaqvè magistratus jurisdictio perturbantur. Etiam si ergo dicta ratione, Schismate Conscientiæ inuratur nota, Magistratus tamen denegando pressis justitiæ administrationem legitimam, & hac ratione plebejis ad Schisma viam pandendo, vel graviter vulnerat Conscientiam.

§. 2. Obligatur Conscientia homicidio quovis casuali. Est homicidium nobis hominis internecio, vel exanimatio violenta, privata. Alii definire malunt per dolosam exanimationem, arg. l. i. L. 16. ad leg. Corn. de Sic. Unde aliquis: dolus omninò supponitur, scilicet in homicidâ, quod enim citra intentionem sit, adeoq; nec dolum conjunctum habet, minimè homicidium dicimus. Nimirum subtiliores quidam distinguere amant inter homicidium & hominis occisionem, illud & dolum supponere & peccatum esse, hanc non ita adstruunt. Ast λογμαχία est mera, quæ nec ipsis juridicis cunctis arridet. Citatis interim locis, jus innuit homicidium in externo foro culpabile ex dolo malo profectum, præter hoc dari & aliud non dolosum, præter bardum vix aliquis negat. Per hominem autem & feminam hoc loco intelligimus, quæ gratis sanè improprie dicitur homo, ut alias Wesenbecius ludere videtur. Ita enim ille ad Tit. ff. ad l. Corn. de Sic. n. 5. homo de viro proprie accipitur, ergo procul dubio de femina improprie. Nec intendit illud Paulus J Cens l. 38. ff. de pænis §. 5. ad. fin. cum hominem à muliere distingvit, πῆλτος potius & κατ' ἐξοχὴν hominis notio masculino imponitur Sexui, ergo per te feminæ improprie erunt homines? Scilicet sic sat crasse ludis. Prærogativa sanè & præcellentiæ gradus non evertunt præcise eandem rationem specificam. Sexu, largior, essentia etiam, non autem specificâ, numerica duntaxat (& hæc differentia est essentialis) differunt mas & femella. Et homo dicitur ille, qui adhuc in utero latitat, nascendus enim ejusmodi, potissimum ratione eorum, quæ commodum inferunt, pro nato habetur, per l. 26. de stat. hom. Horum omnium exanimatio violenta, privata, quin & exanimationis hujus  
quæ.

quæcunqve suppeditata ansa, si forsan moraliter egerit homicida, *homicidium*  
 dicitur. *Casuale à casu* ducimus; Philosophicè, potissimum hodiè, *irrationalium*  
*influxum, cum scilicet effectui adheret aliquid præternaturale, casum*  
*dicimus. Hic casus fortunæ, vel fortuitæ causæ solet contradistingvi, cum*  
*effectui procedenti à causa libera præter intentionem adhaeret aliquid.* Ex fa-  
 cto, fateor, mero vulgus (quod infero) physicorum ad Solam Somatologi-  
 am casus fortunæqve restringit evolutionem. Rectius longè Accuratiores  
 quidam casum & fortunam in actu signato ontosophiæ assignant. *Hinc*  
*præcellentissimus Pascha in Ontologicis disputatis Diss. de Causa & causato*  
*Sect. 1. Axiom. præcep. 2. S. 7. Divisio causæ in fortuitam & casualem à qui-*  
*budam ad physicam trahitur, ibidemqve ut subdivisio causæ efficientis corporis*  
*naturalis per Accidens proponitur. Sed nescio quo jure, cum exhauriat to-*  
*tam latitudinem causæ per Accidens in genere efficientium. Accedit quod ple-*  
*raqve exempla tum causæ casualis, tum causæ fortuitæ, effectus non naturales*  
*exhibeant; Quid est commercij cum his in Physica? H. I.* Cæterum in jure  
 accipitur casus vel generaliter, tumqve exprimit facti speciem, quam hypo-  
 thesin, negligentiam, qualitatem, &c. dicere amant, per leg. 4. l. 10. ff. de leg.  
 vel specialiter, tumqve casus fortuitus est, qui à nullo prævideri potest. Hoc  
 demum sensu, dolo malo, item culpæ, sive levis, sive levissima, sive lata sit,  
 ut vulgo dici solet, contradistingvitur casus. Hæc ultima juridica casus ac-  
 ceptio ferè est nostra; ferè, inquam, non enim quodvis casuale homicidium  
 levissimam respuit culpam, quod prævia in homicidio examinanti patebit a-  
 liquando clarius. Philosophicus ergo casus hic nobis est alienus, cum influ-  
 ens homicida semper sit rationalis. Duplici verò ratione, ansam si species,  
 homicidium committitur Casuale. Aliquando rei illicitæ datur opera. v. g.  
 Si ebrius, vel alius forsan temerariâ jaculatione, aut sclopetorum explosione  
 prætereuntem vel obvium perimat. Nonnunquam, quod potissimum ur-  
 geo, homicida circa licita versatur, prævia si species: exemplum ipse suppeditat  
 Deus Deut. 19. v. 5. **אִשֶׁר יִכֹּחַ אֶת-רֵעֵהוּ בְּעֵר לְחַטָּב עֵצִים וַיִּנְהַרְהוּ יָדוֹ בְּגִרְוֹן לְכֶרֶת הָעֵץ וַיִּנְשַׁר הַבְּרֹחַ מִן-הָעֵץ וּמִצֵּי-  
 אֶת-רֵעֵהוּ וּמֵת הוּא וְנוֹס אֶל-אֶחָת הָעָרִים הָאֵלֶּר וְרָחַק**  
*conf. antec. Hoc homicidium posterius peccatum esse, vereq; obligare Conscien-*  
*tiam pernegant Scholastici & alii, vid. Amesius l. 5. de Cas. Consc. c. 31. qv. 7. p. m.*  
*346. Toletus de instruct. Sacerd. l. 5. c. 7. p. 472. Longè accuratiùs magnus*  
*B. Chemnitius part. 2. LL. de vindic. p. 155. Diligenter hoc notandum est,*  
*quod Lex divina casuale homicidium in foro politico quidem à pæna absol-*

B

vat,

vat, non tamen quasi bonum opus, vel indifferens in foro Conscientiæ illud  
 commendat. jubet enim talem homicidam confugere ad Civitatem refugii, &  
 ibi manere usque ad mortem Summi Pontificis: quod si ante mortem ejus exi-  
 erit, occidi poterit, si verò expectarit mortem Pontificis, liberè potest in suam  
 Civitatem reverti. Voluit autem Deus sine dubio significare, talem homi-  
 cidam non debere sibi blandiri, quasi re bene gesta, propterea quod à pœna Ci-  
 vili sit exemptus; sed in foro conscientiæ confugiendum esse ad mortem Me-  
 diatoris, & petere remissionem & reconciliationem cum Deo; quod si non cu-  
 rarit, reus erit sanguinis. Consona his reliquit Brochman in Syst. Theol.  
 Tom. 2. p. m. 56. quæst. 2. Sed dixeris forsan ex his elucescere obligationem  
 conscientiæ verè Christianæ; Sermonem autem nostrum esse de conscientia  
 & non-renati. Sit ita! Sanè prædicto homicidio & bujus læditur conscientia.  
 Nam hominis internecio privata in se mala est, ut per naturam novimus.  
 Hinc natura, loquente ita Seneca, est everso & oppugnatio. Platoni lib. 9.  
 de LL. explicitè peccatum dicitur. Ergo ceu in se malum quodvis Casuale  
 homicidium obligabit Conscientiam. Taceo quod nullum ferè detur homi-  
 cidium, in quo non, si præliminaria accuratius discutias, vel supina negli-  
 gentia, vel levis obviet culpa. Cuncta hæc conscientiam ligant. Et quid  
 compunctiones iniquorum homicidarum, etsi insimul paganorum, quas  
 ex commisso fortuito homicidio persenserunt ad vitam, clarius evincunt,  
 quàm obligationem Conscientiæ? De his ac similibus Historiæ ac Annales  
 temporum conferantur.

§. 3. Moderamen inculpatæ tutelæ, vel ad rigorem juris normatum  
 in foro poli aliquando, ut delictum obligat. Notionibus Synonymicis mo-  
 deramen hoc appellatur necessaria defensio, germanicè eine Noth-Wehr.  
 Dicitur communiter imminentis & presentis periculi à jure approbata propul-  
 satio, arg. l. 3. ff. de just. & j. l. 1. C. unde vi. *Κενηρα* moderaminis hu-  
 jus præ aliis celebratissimus Theologus citatus Brochmannus rite enodavit. Au-  
 diamus illum Tom. 2. Syst. Theol. quæst. 3. p. 56. Sic differentem: Ad mode-  
 ramen inculpatæ tutelæ requiritur (1.) ut invasor contra justitiam nos impetat &  
 invadat. (2.) ut invasio sit subitanea & adeò violenta, ut non possimus cedendo  
 fugiendove nos tueri, sed inevitabili necessitate incumbat nobis vim vi opponere.  
 (3.) in ipso Congressu, non autem eò finito, defensio fiat. (4.) ne ad eadem profi-  
 liatur, si mitior & tutior conceditur defensionis ratio. (5.) Adsit intentio non  
 ultionis & cadis, sed defensionis. Hæc fat accuratè. Prædicta necessaria de-  
 fensio, ex mente quorundam Interpretum, conceditur etiam adversus Magi-  
 stratum, ejusque Officiales, maxime si vitæ inferatur vis, arg. (quod dicitur) §.  
 ult.

ult. instit. de leg. agrat. tut. &c. Sunt ex modernis, ut ipse legi, qui modera-  
 men hoc ne liberis quidem in vitæ periculo constitutis cum parentum interne-  
 cione denegant: quibus tamen maximè & non-Christiana Conscientia obli-  
 gatur. Accuratè *Plato lib. 9. LL. Filio, ne pro defensione quidem sua, si à pa-  
 rentibus se videt interfectum iri, lege ulla conceditur, ut parentes, à quibus in  
 lucem est editus, interimat; Sed omnia potius sustinere præcipitur, quam quic-  
 quam hujusmodi facere.* Ex mero Naturæ dictamine hæc innotescabant.  
 Etsi ergo in judicio externo, & coram eodem, immunis ducatur ejusmodi oc-  
 cisor, internus tamen judex hic longè aliter judicat. Et quem latet illud præ-  
 ceptum: *honora patrem & matrem, non revelatum duntaxat, sed & connat-  
 um esse, cujus violatio, ut delictum naturaliter obligat Conscientiam?* Ex eo-  
 dem Capite improbamus priorem Suppositum Casum, de *modernimine incul-  
 patæ tutelæ* adversus Magistratum à juribus Concessum, vel cum sanguinis ef-  
 fusione, instar enim parentum Magistratum colendum esse natura edocet.  
 Sed proponamus alium casum! Aggrediatur Te ebrius, vel alius notoriè fla-  
 gitiosus; Constituaris in extremo vitæ periculo, locumne habet hic, citra ne-  
 fas, inculpatæ tutelæ moderamen? Minimè reclamant leges, adstipulantur  
 Doctores omnes; modestè, fateor, dissentio. Si *eo puncto*, theologicè loquen-  
 do, de *gratiâ Dei propriâq; salute fueris certus*, satius est, violentâ morte red-  
 dere Deo Spiritum, quàm ebrium, vel nefarium alium, vi subitanæ interem-  
 ptionis ad tartara irrevocabiliter detrudere. Tuâ sanè culpâ aliàs tum peri-  
 bit anima: ipse exquisitissimos infernales cruciatus promotes, hem dura!  
 quicquid sit de legibus forensibus. Hic præcipuè videatur *B. Müllerus in  
 germanico libello aureo, cui titulus, geistlicher Danck-Altar: ad calcem  
 citati libelli inter duo ζητήματα & nostrum propositum dubium satis est  
 discussum; maximè ergo hic conferatur die zivente Frage: Ob ein Christ  
 da er von einem trunckenen Bolde &c.* Novi, præter alios, & hic insignem  
 Theologum, Auditorio suo eruditè, ut solebat semper, idem proponentem.  
 Et penitus attendenti patebit clare, vel seposito Codice sacro, naturam idem  
 ferè suggerere. Accuratius procedam; (1.) edocet natura animæ immor-  
 talitatem, hæc enim per rationem Spiritualem, in essendo ac existendo ta-  
 lem cum materia haut peribit, ut brutorum forma; fusiùs de his in pnevmati-  
 cis ac phycis. Hinc *Cicero 1. Tuscul. quest. ut Deos esse naturâ opinamur,  
 qualesq; sint ratione cognoscimus, Sic permanere animam arbitramur, consensu  
 Nationum omnium. Aristoteles* (hic permultis animæ immortalitatem negasse  
 dicitur, sed gratis) *lib. 1. de anima c. 1. 2. m. 13. εἰ ἐστὶ ἡ τὴ ψυχῆς ἔργον, ἢ  
 πνευμάτων ἴδιον, εὐδέχοιτ' αὐτὴν χωρὶς σώματος.* Si est aliqua anima o-  
 peræ

peratio, aut passio propria, continget utiq; eam separari; tumq; separatim à materia existet, ut idem largitur Philosophus. Nec ex Patriarcharum relatione, quod falsò ab aliis infertur, sed propria indaginis ope, Ethnicis hæc innotuerunt. (2.) Suggestit connatum lumen animarum post mortem diversitatem, pro diversissimo ex hac vita discessu: vix enim ac ne vix quidem, citra futura præmia, vel ullam retributionem supremæ mentis (Deum Ethnicis ita frequenter salutabant) justitia servatur. Præ aliis hic videatur *subtilissimus L. Annæus Seneca*; addatur *Johannes Schottus Pontificius in tract. de natur: mentis humanæ vigore ac acie. p. 11. 12. & seqq.* Doctrinam verò hanc de statu animarum post mortem vel Sapientissimi Ethnicis nugis variis densè conspurcabant, ut hodiè ferè Persæ ac Turcæ. His ita suppositis, absq; ulla revelatione naturalis monstrat Theologia *sceleratos in ipso flagitio abeuntes perire, cujus culpa, si residet penes nos, procul dubio naturaliter obligatur conscientia: quod monstrandum.* Etsi ergò, teste Cicerone, *propriam salutem adversus vim & infidas etiam cum nece alterius conservare ac defendere possim*; hæc tamen, aliq; haut dissimilia, cæteris paribus, & à nobis jam præsuppositis rectè in simul consideratis, procedere largimur: Concedendo & hoc nimis liberè de substrata re vel olim scripsisse Ethnicos, quos, quoad exorbitarunt, minimè curamus.

§. 4. Solet à juribus nostris *tutela conservanda pudicitia*, quæ à variis ad prælibatum moderamen restringitur, per alios ab eodem Secernitur, *cum internectione stuprantis*, denegatâ fugâ, approbari ex rescripto *Divi Hadriani per l. 1. §. pen. ff. ad leg. Corn. de Sic.* At dispar est ratio virginitatis ac vitæ, dispar ergo dispendium. Ut ut centies in foro soli absolvatur ejusmodi pudica, & vel ex mundanorum, scilicet sat sobriè judicantium, dictione auream mereatur statuum, mordax tamèn conscientia commissum nefas nunquam non urgebit, perferent enim quovis temporis tractu, ut loquuntur *Exempla ejusdem farinae*, internas cordis compunctiones. Quæ de furis nocturni, adulteri, aliorumq; exanimatione sint statuenda, ac quousq; hic procedendum, ad oculum antecedentia conferenti patebit. Conscientiam factam tectamq; conservaturus leges non tam à *Justiniano* latas, quàm à summo Imperatore menti nostræ inditas altius volvat ac revolvat, tutissimus tum erit & in poli foro.

§. 5. *Mendacio*, quod *officiosum* dicunt, dextrè judicantium communi ferè suffragio obligatur conscientia, quod rectè statuitur. *Mendacium*, generatim loquor, *est dissensus fallax cordis ab ore, reliquisq; exterioribus.* Dolus malus formale suppositum, ut ita dixerim, est cujusvis mendacii.

dacii. Dolus malus, inquam, forsân enim & bonus datur dolus, ut ex philosophorum Philosophorum mente in jure distingvere amant. Mentendo verò vel plus, vel minus dicitur justò, hinc generaliter poterit mendacium dispesci in jactantiam & dissimulationem. *Jactantia est mendacium illud, quo aliquis vel sibi, vel aliis plura & majora, quam par est, tribuit: Dissimulatione, contra, nobis, aliisve aliquid detrahimus, adeoque justò minus tribuimus.* Hæc divisio mendacii est in suas quasi species. Ast cum mendacium aliud dicitur officiosum, aliud jocosum, aliud perniciosum, distinctio est vocis, largior, non divisio rei, cum jocosum ac officiosum definitionem peccati non participant. Cæterum mendacium jocosum illud potissimum, quod futilia promit, ceu vitium rejicitur à quovis Moralistarum, sub nomine scurrilitatis, quæ vel ita dicitur ab Ebraico קרש, vel à græco κωμῆ; quo vitio laborasse dicitur Cicero, Marco crasso ex opposito rusticitatem adamante, ut B. Wellerus observavit in *Oratione de moribus quorundam veterum Excellentium Romanorum. p. 5.* Quod mendacium officiosum concernit, licet remotus sit fucus, adeoque nec verum sit mendacium, ob dissensum tamen cordis ab ore, reliquisque externis, qui contra naturam est, ut alia taceam, omnino illud improbamus. Patebit ergò ex dictis quid de hisce Excellentissimi cujusdam sit habendum: *Veracis est non tantum dicere vera, sed sapius ea celare, & vel contraria proponere, imprimis si exigat salus publica, vel privata, sive nostra, sive alterius.* Et paucis interjectis: *Quando animo non fallendi reticemus vera, ac ad mala evitanda promimus à mente nostra aliena, nec veracitas infringitur, nec conscientia leditur.* Hæc non arriident. Dissentiunt hic varii Theologi, vid. Dietericus in *Cateches. ad præcept. 8.* Brochmannus in *Syst. Theolog. tom. 2. p. 68. &c.* Demum addo ex non-servata promissione simplici, ut ut vi extorta, modo de possibilibus sit concepta, *naturaliter ligari conscientiam.* Abeunt tamen & hic Moralistæ ad varia atque diversa.

## ΑΝΑΣΚΕΥΗ.

§. 1.

**N**Ovi Subtilissimas mentes, quæ Sobriè de Deo philosophaturæ Summo nostro *Conceptus formales, rerumque ideas verè* (cessat enim hic & proportionis & attributionis extrinsecæ analogia) assignare piaculum ducunt, supponendo tum demum Summum Numen ex subjecto & adjuncto componi necessariò. Maximè rejicio absouum illud: *Deus ex*

B 3

Sub-

Subiecto & adjuncto est Conflatus, ut aliàs audacter nimis nugatur Vorstius in Tract. de Deo p. 209. ex eo id probaturus, quia multa & varia in Deo sunt decreta, quæ non possint esse cum ipso Summo essentiæ ejusdem, cum hæc, supponente ipso Vorstio, sit unica & simplex: colligit ergo decreta esse in Deo, & à Deo, ut actiones in & ab agente, adeoquæ adjuncta evicta esse gloriatur. Sed gravissimè errat. Distingvas hic necesse erit inter decreta Subjectivè & objectivè spectata, priori sensu non varia sunt, sed ipsa gaudent essentiæ unitate numericâ, utpote quæ hoc sensu dicunt Deum decernentem tumquæ cum essentia materialiter, ut ita loquar, identificantur; Posteriori ratione largior pluralitatem variamquæ rationem, quoad objecta scilicet, sed, fateor, præter rem Compositio realis in ipso Deo ex eo colligitur. Nec ex asserto nostro: *Deus verè sovet omnium rerum ideas, vel conceptus formales*, excogitata à Vorstio Compositio incrustatur. Maximè, prædictis nostris salvis, purissimus & simplicissimus actus manebit Deus.


§. 2. In meliorem intelligentiam notamus: (1.) Platonicas ideas plane nullas esse, si intellexerit per easdem ἐξηρημένας τῶν ὄντων, καὶ ὑφεσώσας ὑπάρξεις, naturas separatim à rebus existentes: ac si universalia actu à singularibus ceu sejuncta servari possint, quod nullum. Si verò ideæ Platonice exponuntur per νοήσεις θεῶν αἰώνιες ἢ καὶ αὐτοτελεῖς, hoc est, *notiones Dei æternas ac in se perfectas*, dubio procul tolerari possunt, innuuntquæ idem, quod impræsentiarum nos intendimus. Ita præter alios, ex Patribus Augustinus platonice de ideis mentem interpretatur. Prodeat ipse Augustinus: *Quis aut religiosus, loquitur, aut verà religione imbutus, quamvis nondum possit hæc intueri, negare tamen audeat, imo non etiam profiteatur, omnia quæ sunt, id est, quæcumquæ in suo genere propria quadam ratione continentur, ut sint, Deo autore esse procreata, eoquæ autore omnia quæ vivunt, vivere atquæ universalem rerum incolumitatem, ordinemquæ ipsum, quo ea quæ mutantur suos temporales cursus certo moderamine celebrant summi Dei legibus contineri & gubernari? Quo constituto atquæ concesso, quis audeat dicere, Deum irrationaliter omnia condidisse? Quod si rectè dici & credi non potest, restat, ratione omnia esse condita, nec eadem ratione homo, quâ equus, hoc enim absurdum est æstimare: Singula ergo propriis sunt creata rationibus. Has autem rationes, ubi arbitrandum est esse, nisi in ipsa mente Creatoris? Non enim extra se quicquam positum intuebatur ut secundum id constitueret, quod constituebat; nam hoc opinari Sacrilegum est. — — Atquæ bas rerum rationes principales appellat ideas Plato, vid. l. 83. Q. quæst. 46.* (2.) Conceptum formalem nec qualitatem, nec exinde resultantem actum, motumquæ finitum, ut in nobis aliàs,



**W**eil Er/ Vielgeliebter Freund/ zum Valet wil disputiren/  
Und jetzt den gelehrten Kampff mit dem Musen-Volck vollführen-  
So wird billig mir obliegen/ Ihm zu wünschen Kraft und Stärck/  
Damit wohl von statten gehe/ dieses angefangne Werck.  
Und hiernegst verleihe G.Dt/ als Patron von unserm Glück/  
Daß sich/ was Er ferner thut/ nach der Zeit gefällig schicke.  
Sein Beginnen sey beliebt/ Sein Bemühen sey beqvem/  
Sein Verrichten sey erfreulich/ und sein Sorgen angenehm.  
Also reis' Er glücklich fort! Wil Er diese Stadt verlassen/  
Wird Er sich ein Denckmahl doch/ in das Herze ferner fassen;  
Weil man bey dem lieben Orte/ manch Gedächtniß auch empfindt/  
Daß wir stets am Leib' und Geiste/ mehr als treu versorget sind.


Dieses setzte aus Schuldigkeit

**Christianus Joachimus Scharffenberg/**  
LL. Studios. Meckl.


  
**D**u hast/ mein Wehrtester/ vor kurzer Zeit gelehret/  
Wie von so vielen wird die heil'ge Schrift verkehret/  
Da du insonderheit uns legetest klärlich dar/  
Was Eva hatt' gemeint/ als Sie das Kind gebahr  
Den Cain ihren Sohn/ da Sie herausgebrochen:  
Ich hab den Mann/ den HERM; so freudig Sie gesprochen.  
Nun aber redestu/ was das Gewissen bind't/  
Und was dazu gemäß im Herzens-Recht sich find't  
Drümb lob ich deinen Fleiß/ den du uns jeko zeigest/  
Da du im Rosenstock dich zu den Musen neigest;  
Ich wünsch' indessen Glück von Gottes eingen Sohn/  
Damit du dermahleins erlangst die Sieges-Krohn!

Mit diesen wenigen Zeilen hat dem Herrn *Respondenti*,  
als seinem wehrteschätzten Freunde/ da Er zum  
anderrmahl rühmlichst disputirte/ in Eyl gratu-  
liren wollen

**David Rasche/ S. S. Theol.**  
Studiofus.









agnat. tut. &c. Sunt ex modernis, ut ipse legi, qui moderat  
s quidem in vitæ periculo constitutis cum parentum interne  
quibus tamen maximè & non-Christiana Conscientia obli  
è Plato lib. 9. LL. Filio, ne pro defensione quidem sua, si a pa  
nterfectum iri, lege ulla conceditur, ut parentes, à quibus in  
nterimat; Sed omnia potius suslinere præcipitur, quam quic  
facere. Ex mero Naturæ dictamine hæc innotescebant.  
o externo, & coram eodem, immunis ducatur ejusmodi oc  
nen iudex hic longè aliter judicat. Et quem latet illud præ  
natrem & matrem, non revelatum duntaxat, sed & connat  
olatio, ut delictum naturaliter obligat Conscientiam? Ex eo  
obamus priorem Suppositum Casum, de moderamine incul  
us Magistratum à juribus Concessum, vel cum sanguinis ef  
im parentum Magistratum colendum esse natura edocet.  
alium casum! Aggrediatur Te ebrius, vel alius notoriè fla  
uaris in extremo vitæ periculo, locumne habet hic, citra ne  
clæ moderamen? Minimè reclamant leges, ad stipulantur  
modestè, fateor, dissentio. Si eo puncto, theologicè loquen  
propria q̄ salute fueris certus, satius est, violentà morte red  
q̄, quàm ebrium, vel nefarium alium, vi subitanæ interem  
irrevocabiler detrudere. Tuâ sanè culpâ aliàs tum peri  
xquisitissimos infernales cruciatus promoves, hem dura!  
gibus forensibus. Hic præcipuè videatur B. Müllerus in  
aureo, cui titulus, geistlicher Danck-Altar: ad calcem  
duo *ἑτήματα* & nostrum propositum dubium satis est  
nè ergo hic conferatur die zwoyte Frage: Ob ein Christ  
runcfenen Bolde &c. Novi, præter alios, & hic insignem  
ditorio suo eruditè, ut solebat semper, idem proponentem.  
enti patebit clare, vel seposito Codice sacro, naturam idem  
Accuratiùs procedam; (1.) edocet natura animæ immor  
im per rationem Spiritualem, in essendo ac existendo ta  
haut peribit, ut brutorum forma; fusiùs de his in pnevmati  
Hinc Cicero 1. Tuscul. quæst. ut Deos esse naturâ opinamur,  
ne cognoscimus, Sic permanere animam arbitramur, consensu  
n. Aristoteles (hic permultis animæ immortalitatem negasse  
lib. 1. de anima c. 1. 2. m. 13. εἰ ἐστὶ τὸ τὸ ψυχῆς ἔργον, ἢ  
ἐδέχοντ' αὐτῆν χωρὶς σώματος. Si est aliqua anima o  
perat

B 2